

cando per questa terra: che a tutti quelli li fo cavà li occhi, li sia concesso exemption et imunità real et personal in vita loro et di alozar soldati; e a quelli è stà tajà i dedi e diformà la faza da le ferite, per anni 15; e li altri dil comun per anni 10, *ut patet* in letere di sier Lunardo Emo luogotenente in la Patria. 162, 7, 1.

Fu posto, per li Savj, una letera a li oratori a Milan apresso il Cristianissimo re, ringratiando Sua Majestà.

133* Fu posto, per li Savi, una letera a li provedadori zenerali in campo.

A di 21, Domenega. In questa matina per tempo partino li 4 oratori nostri destinati a la cristianissima Majestà, per Padoa; et andono ad udir messa a San Zorzi d'Alega. Vanno con loro zentilhomeni nostri numero...

Di campo, fo letere di provedadori zenerali, soto Brexa, di 19. Dil zonzer li el Bastardo di Savoja, et stato un pezo col signor Zuan Jacomo. Voleno strenzer Brexa; aspetano monition et artelarie dil Re. E come l'havea lui sier Zorzi Emo acompagnato a lo alozamento; qual non volse rimaner et disnar in campo etc.

Di Milan, di oratori nostri, di 25, vechie. Di quelle occorrentie.

Noto. Si conza la caxa dil marchese di Ferrara *olim*, per l'oficio di le Raxon vechie, et fo balotà ducati 60 per mureri et marangoni, e sier Michiel Trivixan ofical a le Raxon vechie à il cargo; qual si conza benissimo per la venuta di do oratori dil Cristianissimo re.

Da poi disnar, fo Gran Consejo, vi fu el Principe portato, et fo trovà ducati 2200, come dirò di soto in ofiej, et poi, avanti il licentiar dil Consejo, fo admoniti tutti quelli si hanno oferto prestar, portino li danari, *aliter* non sarano lassà in li ofiej dove sono rimasi, ni quelli non è rimasti si lasserà provar ad alcuna cossa, e si farà di le altre provision.

Electo Consier in Candia.

Sier Zuan Agostin Pizamano, fo cao di XL, qu. sier Fantin 504.880
Sier Andrea Balbi, fo sora gastaldo, qu. sier Stai 703.620
† Sier Nicolò Nani, dei cinque di la paxe, qu. sier Piero 788.611
Sier Giacomo Antonio Orio, fo sora gastaldo, qu. sier Zuane 516.878

Podestà a Malvasia.

† Sier Trojan Bon, fo cao di XL, qu. sier Otavian 798.569
Sier Vincenzo Zen, fo podestà in Antivari e a la custodia di Padoa con homeni . . . qu. sier Piero 734.639
Sier Zuan Mudazo, fo soracomito, qu. sier Daniel 411.927
Sier Imperial Minio *el grando*, qu. sier Castelan 327.1035

Provedador al Sal.

† Sier Marco Gabriel, fo podestà a Chioza, qu. sier Zacaria 745.617
Sier Zuan Emo, è di Pregadi, qu. sier Zorzi, dopio 726.640
Sier Andrea Donado, fo podestà e capitano a Treviso, qu. sier Marco el cavalier 624.745

Uno Provedador sopra la Camera d'imprestedi. 134

Sier Lorenzo Barbarigo qu. sier Lorenzo, qu. sier Antonio procurator 449.898
Sier Domenego Calbo, che servi con cavali 4 et homeni 8 mexi 6 a so' spese, qu. sier Marin 509.835
† Sier Zacaria di Prioli, qu. sier Lunardo, fo a le fazion di Padoa 841.503
Sier Vettor Foscarei qu. sier Urban, qu. sier Filippo procurator 489.856

Uno dil Consejo di XL Criminal.

Sier Polo Loredan, fo signor di note, qu. sier Zuane 606.674
Sier Hironimo Arimondo, fo savio ai ordeni, qu. sier Fantin 430.859
Sier Hironimo Barbaro, fo camerlengo in Candia, che mandò homeni 16 a la custodia di Padoa, qu. sier Bernardino 742.540
† Sier Bortolo Morexini, fo dei cinque di la paxe, qu. sier Lorenzo 752.533

Questi imprestono ozi a Gran Consejo.

Sier Nicolò Nani, qu. sier Piero . . . ducati 500